



U d r u ž e n j e
p o s l o d a v a c a

F B i H

**IZVJEŠTAJ O RADU
EKONOMSKO-SOCIJALNOG
VIJEĆA ZA TERITORIJU FBIH ZA
2016. GODINU**

U d r u ž e n j e
p o s l o d a v a c a

Sarajevo, april 2017. godina

IZVJEŠTAJ O RADU EKONOMSKO-SOCIJALNOG VIJEĆA ZA TERITORIJU FEDERACIJE BIH ZA 2016. GODINU

1. RAD EKONOMSKO-SOCIJALNOG VIJEĆA

Vlada Federacije Bosne i Hercegovine je sa Savezom samostalnih sindikata Bosne i Hercegovine i Udruženjem poslodavaca Federacije BiH dana 27. augusta 2002. godine zaključila Sporazum o osnivanju Ekonomsko-socijalnog vijeća za teritoriju Federacije BiH, kao najvišeg institucionalnog oblika za vođenje tripartitnog socijalnog dijaloga.

Ovim sporazumom utvrđuju se principi djelovanja ESV-a, sastav, način odlučivanja, djelokrug rada i nadležnosti ESV-a.

ESV kao najviše tripartitno tijelo na teritoriji Federacije BiH osnivano je radi vođenja zajedničke djelatnosti socijalnih partnera u oblasti ekonomske, socijalne i razvojne politike, afirmacije i zaštite ekonomskih i socijalnih prava, odnosno interesa zaposlenika i poslodavaca, razvijanja sistema kolektivnog pregovaranja i zaključivanja te primjene kolektivnih ugovora. Socijalni partneri su se usuglasili da će radi provedbe kolektivnih ugovora i ugovora o radu razvijati i međusobne bipartitne odnose na svim nivoima organiziranja socijalnih partnera.

ESV ima 21 člana, po 7 od svakog socijalnog partnera. Socijalne partnere predvode ispred Vlade FBiH- Premijer, ispred UP FBiH- Predsjednik i ispred SSS BiH- Predsjednik.

ESV ima predsjednika i tri potpredsjednika. Predsjednika ESV socijalni partneri biraju iz reda istaknutih javnih, naučnih, privrednih i kulturnih radnika. Predsjednika može predložiti bilo koji socijalni partner u ESV, a bira se konsenzusom svih socijalnih partnera. Predsjednik ESV-a nema pravo glasa, a bira se na mandatni period od 4 godine, uz mogućnost ponovnog biranja, bez ograničenog broja mandata.

Kada su na dnevnom redu zakoni čiji je obrađivač ministarstvo koje ima predstavnika u ESV-u sjednici obavezno prisustvuje ministar- član ESV-a. ESV održava redovne sjednice jednom mjesečno, a po potrebi, zavisno od pitanja koja se razmatraju može se sazvati i vanredna sjednica.

Članovi delegacije UP FBiH u ESV-u u trenutnom sazivu čine: Adnan Smailbegović, predsjednik UO po funkciji, Mladen Pandurević, direktor UPFBiH po funkciji, Midhat Terzić, Sarajevo osiguranje d.d., Edin Ibrahimpašić, Bihaćka pivovara, Džambić Senad, Bingo d.o.o., Gazibarić Zoran, Nobil d.o.o. i Kraljević Josip, Feal d.o.o..

Broj održanih sjednica

Ekonomsko-socijalno vijeće za teritoriju Federacije BiH u 2016. godini, održalo je ukupno 10 redovnih sjednica uz 2 sjednice koje su bile nastavak već započelih sjednica, 5 vanrednih sjednica, kao i 10 kolegija.

Broj tačaka dnevnog reda

Tokom 2016. godine, razmatrano je ukupno 49. tačaka dnevnog reda.

Pregled tački dnevnog reda

Na sjednicama ESV-a razmatrani su: zakoni, kolektivni ugovori i drugi akti (pravilnici, informacije, izvještaji i dr.).

Zakoni

1. Prednacrt Zakona o penzijskom i invalidskom osiguranju (sa posebnim osvrtom na osnove za izračun penzija i međuzavisnost drugih zakona na navedeni Zakon)
2. Prednacrt zakona o preuzimanju finansiranja neizmirenih doprinosa za penzijsko i invalidsko osiguranje za osiguranike zaposlene u privrednim društvima sa većinskim državnim kapitalom, javnim preduzećima i ustanovama u Federaciji BiH u periodu 01.04.1992 - 31.12.2014. godine
3. Nacrt zakona o sigurnosti i zdravlju na radu
4. Prednacrt zakona o šumama
5. Nacrt zakona o izmjenama i dopunama Zakona o upravljanju otpadom
6. Prednacrt zakona o šumama
7. Prednacrt Zakona o preuzimanju finansiranja neizmirenih doprinosa za penzijsko i invalidsko osiguranje sa pripremljenom simulacijom
8. Prednacrt Zakona o stečaju
9. Nacrt Zakona o penzijskom i invalidskom osiguranju
10. Nacrt Zakona o izmjenama i dopunama Zakona o radu
11. Prednacrt Zakona o štrajku
12. Radna verzija teksta Zakona o porezu na dohodak
13. Radna verzija teksta Zakona o doprinosima
14. Izmjene i dopune Zakona o porezu na dohodak
15. Izmjene i dopune Zakona o doprinosima
16. Nacrt Zakona o izmjenama i dopunama Zakona o radu

Kolektivni ugovori

1. Razmatranje Općeg kolektivnog ugovora za teritoriju Federacije BiH (parafiranje)
2. Razmatranje dinamike pregovora i potpisivanja granskih kolektivnih ugovora
3. Informacije vezane za Opći kolektivni ugovor
4. Dogovor oko donošenja Odluke o proširenju Općeg kolektivnog ugovora za teritoriju Federacije BiH
5. Razmatranje inicijative za produženje primjene kolektivnih ugovora

Ostali akti

1. Izvještaj o radu ESV-a za 2015. godinu i realizacija zaključaka ESV-a
2. Usvajanje Izvještaja o finansijskom poslovanju ESV-a za 2015. godinu i finansijski plan poslovanja ESV-a za 2016. godinu
3. Razmatranje Pravilnika o izmjenama Pravilnika o primjeni Zakona o porezu na dohodak

Ostale tačke dnevnog reda su usvajanje zapisnika, zaključaka i rasprave (razno).

2. NAJZNAČAJNIJE AKTIVNOSTI DELEGACIJE POSLODAVACA EKONOMSKO-SOCIJALNOG VIJEĆA ZA 2016. GODINU

Aktivnosti ESV-a za 2016. godinu su znatno poboljšane u odnosu na 2015. godinu. Ekonomsko-socijalno vijeće za teritoriju Federacije BiH u 2016. godini, održalo je ukupno 10 redovnih sjednica uz 2 sjednice koje su bile nastavak već započetih sjednica, 5 vanrednih sjednica, kao i 10 kolegija.

Kroz rad naše delegacije u Ekonomsko-socijalnom vijeću u protekloj godini smo insistirali na provođenju mjera, od strane institucija vlasti. Također Udruženje poslodavaca Federacije je putem Ekonomsko-socijalnog Vijeća Federacije BiH pokretalo inicijative za izmjene i dopune Zakona i podzakonskih akata koje su od izuzetnog značaja za poslodavce.

11.02.2016. godine je nakon pregovora koji su trajali od septembra mjeseca 2015. godine, u okviru sjednice Ekonomsko socijalnog vijeća za teritoriju FBiH potpisan Opći Kolektivni Ugovor za teritoriju Federacije Bosne i Hercegovine. Udruženje poslodavaca Federacije Bosne i Hercegovine, na strani poslodavaca Federacije Bosne i Hercegovine i Savez samostalnih sindikata Bosne i Hercegovine, na strani radnika Federacije Bosne i

Hercegovine, su 10.02.2016. godine, zaključili su Opći kolektivni ugovor za teritoriju Federacije Bosne i Hercegovine.

Ekonomsko-socijalno vijeće razmatralo je i Prednacrt zakona o penzijskom i invalidskom osiguranju i predložilo da ga Vlada Federacije BiH usvoji u formi Nacrta. Ekonomsko-socijalno vijeće je pozvalo socijalne partnere da u toku javne rasprave o Zakonu uzmu aktivno učešće i svojim sugestijama doprinesu konačnoj formi Zakona. Udruženje poslodavaca FBiH kao socijalni partner dostavilo je svoje amandmane na pomenuti Zakon. Većina primjedbi dostavljenih od strane UPFBiH prihvaćena od strane nadležnog ministarstva i ugrađena u tekst Zakona koji je upućen u parlamentarnu proceduru.

Na zahtjev Ekonomsko-socijalnog vijeća Federalno ministarstvo rada i socijalne politike donijelo je rješenje o reprezentativnosti za Udruženje poslodavaca FBiH UPI 03-34/13-37/15 od 08.06.2016. godine.

Od strane ESV-a zatraženo je i da se ubrzaju pregovori i potpisivanje granskih kolektivnih ugovora. Stupanjem na snagu Zakona o radu stvorena je obaveza da se važeći kolektivni ugovori moraju uskladiti sa zakonom u zakonom u propisanom roku od 120 dana od dana stupanja na snagu tog zakona. Vlada Federacije Bosne i Hercegovine pristupila je pripremama za vođenje pregovora oko usklađivanja granskih kolektivnih ugovora u onim područjima djelatnosti, odnosno za ona javna preduzeća i privredna društva gdje Vlada Federacije Bosne i Hercegovine ima ulogu pregovarača na strani poslodavca, a u skladu sa potpisanim Općim kolektivnim ugovorom za teritoriju Federacije Bosne i Hercegovine. Ostvarena je saradnja sa kantonalnim vlastima, te ostvareni kontakti sa Savezom samostalnih sindikata BiH i Udruženjem poslodavaca u Federaciji BiH, radi formiranja ovlaštenih pregovaračkih timova u procesu usklađivanja granskih kolektivnih ugovora. Novim Zakonom o radu stvoren je potreban pravni okvir za odvijanje procesa kolektivnog pregovaranja i unaprijeđivanja procesa dobrovoljnosti u kolektivnom pregovaranju, s obzirom da je istim uređen postupak kolektivnog pregovaranja, vrste kolektivnih ugovora, postupak kolektivnog pregovaranja, forma i trajanja kolektivnih ugovora, sadržaj kolektivnog ugovora, obaveznost i proširenje primjene kolektivnog ugovora, te ono što je možda i najvažnije, strane u kolektivnom pregovaranju. Zakon o radu je propisao da opće, granske ili pojedinačne ugovore o radu mogu zaključiti samo reprezentativna udruženja poslodavaca.

ESV je također na sjednicama razmatralo Nacrt Zakona o sigurnosti i zaštiti na radu. Održan je sastanak u Udruženju poslodavaca FBiH između predstavnika poslodavaca i sindikata u vezi sa finaliziranjem teksta Nacrta zakona o sigurnosti i zdravlju na radu. Federalnom ministarstvu rada i socijalne politike su dana 21.03.2016. godine, dostavljene usaglašene primjedbe socijalnih partnera na tekst Nacrta Zakona, koje su uglavnom prihvaćene i ugrađene u tekst ovog zakona.

Ekonomsko-socijalno vijeće je u protekloj godini razmatralo i problem granskih kolektivnih ugovora i dalo prijedlog da predstavnici socijalnih partnera dogovore sastanak radi rješavanja pitanja vezanih za pregovaranje, dinamiku i potpisivanje granskih kolektivnih ugovora, kao i razmatranja problema reprezentativnosti, što je i učinjeno. Održan je niz sastanaka Udruženja poslodavaca i predstavnika grupacija iz oblasti za koje se trebaju potpisati kolektivni ugovori, te su u toku 2016. godine potpisani pored Općeg kolektivnog ugovora i četiri granska kolektivna ugovora.

Također, u protekloj godini na sjednici ESV-a razmatrani su i Zakon o porezu na dohodak i Zakon o doprinosima. Iznešen je prijedlog poslodavaca da vrijeme za donošenje Izmjene i dopune Zakona o porezu na dohodak i Izmjene i dopune Zakona o doprinosima da bude u roku od 30-45 dana. Primjena Pravilnika o primjeni Zakona o porezu na dohodak treba da bude dio paketa koji bi bio primjenjiv od 01.01.2017.godine, te da u komisiju za izradu zakona Federalnog ministarstva financija treba uključiti predstavnike poslodavaca i Sindikata.

Ekonomsko-socijalno vijeće podržalo je donošenje Zakona o štrajku. Za prednacrt Zakona pribavljena su mišljenja reprezentativnih udruženja poslodavaca i radnika na teritoriji Federacije BiH, a to su Udruženje poslodavaca u FBiH i Savez samostalnih sindikata BiH. Na sjednici Ekonomsko-socijalnog vijeća je od Federalnog ministarstva rada i socijalne politike zatraženo da se još jednom razmotre sporna pitanja koja su iznijeli predstavnici poslodavaca i sindikata.

Na zahtjev UPFBiH na sjednici ESV-a održanoj 07.12.2016. godine zaključeno je da će biti formirano zajedničko radno tijelo radi razmatranja Nacrta Zakona o izmjenama i dopunama Zakona o radu, koji će Nacrt razmotriti do naredne sjednice. UPFBiH je zahtijevalo učešće u izmjenama i dopunama pomenutog Zakona.

U radnom tijelu su bila po dva predstavnika iz sve tri delegacije socijalnih partnera (poslodavci, vlada, sindikat).

U organizaciji Federalnog ministarstva rada i socijalne politike, održani su sastanci na kojem su učestvovali predstavnici ovog Ministarstva, Vlade Federacije Bosne i Hercegovine, Udruženja poslodavaca u Federaciji BiH i Saveza samostalnih sindikata Bosne i Hercegovine. Na pomenutim sastancima su predložene izmjene i dopune Zakona o radu usaglašene na zadovoljstvo svih socijalnih partnera, te da su sastanci na kojima su iste razmatrane pokazali visok stepen djelotvornog socijalnog dijaloga, među socijalnim partnerima i predstavnika Vlade FBiH, što predstavlja model za daljnji rad, koji će se zasnivati na međusobnom uvažavanju svih učesnika uključenih u socijalni dijalog.

Međutim, kada uzmemo u obzir sve navedene najbitnije aktivnosti Ekonomsko-socijalnog vijeća za teritoriju FBiH, još uvijek je izražena inertnost nadležnih organa na prijedloge i mišljenja ESV-a za unapređenje poslovnog okruženja i blagovremeno uključivanje socijalnih partnera kod donošenja ključnih zakona iz oblasti ekonomsko

socijalne politike. Ali svakako rad ESV-a je u protekloj godini bio na zavidnom nivou i smatramo da je Ekonomsko-socijalno vijeće za teritorij FBiH izvanredan alat za sve socijalne partnere, te je potrebno raditi na jačanju svijesti izvršne i zakonodavne vlasti da usvojene zaključke sa ESV-a mora ozbiljno razmatrati.

Tokom proteklog perioda u radu ESV delegacija je nastupala jedinstveno, zastupajući stavove Udruženja i UO. Prije svake sjednice održavane su sjednice UO definirani stavovi koje je delegacija zastupala na sjednicama ESV-a. Također, bitno je naglasiti da je delegacija u radu ESV sučestvovala u punom sastavu gotovo na svim sjednicama.

Kao značajnije aktivnosti u narednom periodu ESV-a istaknut ćemo zahtjev da se primjena Općeg kolektivnog ugovora, u skladu sa Zakonom o radu, proširi na sve zaposlene u Federaciji BiH, te da se ubrzaju pregovori i potpisivanje granskih kolektivnih ugovora.

Delegacija Ekonomsko-socijalnog vijeća UPFBiH

U d r u ž e n j e
p o s l o d a v a c a